

Blachi di instruccion 3 Gana of perde



Ta pertenece na actividad 4.1

Bo yiu ta siña:

- Con e mester anda cu ganamento y perdemento di un wega.
- Hunga un wega riba diferente nivel.

Bo tin mester lo siguiente:

- E pelicula:
 - o 'Howard B. Wigglebottom Learns About Sportsmanship' (Ingles) (mira webpage Whizz-Art – Instruccion pa mayor – Tema 4a).
 - o 'Howard B. Wigglebottom Deportividad' (Español) (mira webpage Whizz-Art – Instruccion pa mayor – Tema 4a).
 - o 'Teaching Kids to Win and Lose' (mira webpage Whizz-Art – Instruccion pa mayor – Tema 4a).
- Un wega (Pensa riba 'Mens erger je niet', 'Uno', wega di carta, etcetera).

Kico bo ta haci cu bo yiu:

STAP 1. 'ABOUT SPORTSMANSHIP'

Wak e pelicula 'Howard B. Wigglebottom Learns About Sportsmanship' of 'Howard B. Wigglebottom Deportividad' hunto cu bo yiu.

Con bo famia ta anda cu ganamento y perdemento ora boso ta hunga wega? Discuti esaki cu bo yiu. Indica tambe cu ta bay principalmente pa diverti y pasa dushi hunto ora ta hunga wega.

STAP 2. E PELICULA 'TEACHING KIDS TO WIN AND LOSE'

Wak e pelicula 'Teaching Kids to Win and Lose', den cual como mayor bo ta haya informacion con ta e miho manera pa bo hunga un wega cu bo yiu. Bo ta laga bo yiu scoge riba cua nivel e kier pa bo hunga (nivel halto, abou y medio).

STAP 3. HUNGA UN WEGA RIBA NIVEL

Scoge cualkier wega cu ta adecuado pa bo yiu. Laga bo yiu bisa cua nivel di e wega e kier hunga. Hunga e wega segun e nivel cu bo yiu a scoge. Indica cu e perdedo semper ta felicita e ganado. (Por ehempel ta duna otro man.)

Analisa despues con e mucha ta sinti pa gana un wega y con e ta sinti pa perde un wega.

Cambia e rolnan. Laga bo yiu bisa cua nivel di wega e kier hunga contra bo.

Extra informacion pa mayornan:

Siña perde

- Percura hunga wega cu mas frecuencia cu bo yiu. Asina bo yiu ta siña cu hungamento ta bay pa e pasa dushi y no solamente pa gana.
- Pone enfasis riba loke bo yiu ta haci bon durante e wega y no riba loke e no ta haci bon.
- Reacciona positivo ora bo yiu perde un wega y cu e ta tuma esey bon.

ACTIVIDAD PA CAS (ONLINE)

- Duna un bon ehempel ora bo perde, por ehempel: 'Ta un lastima, pero mi a pasa hopi dushi!'

No por soporta perde

Tin mucha cu no por perde. Por ehempel nan ta rabia of nan ta yora. Kico lo bo haci e ora?

- No consola bo yiu, pero bis'e cu bo ta compronde su decepcion: 'Bo ta decepciona, esey mi ta compronde. Mi tambe kier gana'.
- Despues bo ta enfatisa cu bo por pasa dushi tambe aunke bo no gana: Ta un lastima pa perde, pero hunga dushi cu otro ta mas importante.
- Anima bo yiu pa e purba un biaha mas y enfatisa cu bo yiu ta hopi bon durante wega.
- Purba evita pa bo yiu rabia hopi y bira agresivo/onsportief.